

## **AUTORSKE NOVINE Br.6 \* 22. aprila/travnja 2013.**

Tel : 033 205 600, telefon i faks 033 218 258 / amus@amus.ba / Obala Kulina bana 22, Sarajevo

### **NASLOVI :**

- RAK NAJAVIO SANKCIONISANJE RADIO I TV STANICA KOJI EMITUJU MUZIKU BEZ UGOVORA SA AMUS-om
- IZVJEŠTAJ SKUPŠTINE BIH : SINE QUA NON PONOVO NIJE ZADOVOLJILA
- NABAVKA „COSIS“ PROGRAMA ZA AUTOMATSKO PREPOZNAVANJE AUTORSTAVA U DJELIMA DOSTAVLJENIM OD STRANE ELEKTRONSKIH MEDIJA
- NOVI ČLANOVI AMUS-a

### **RAK ĆE SANKCIONISATI ELEKTRONSKE MEDIJE BEZ UGOVORA S AMUS-om**

U emisiji „Vijesti u 7“ na TV Hayat emitiran je prilog od velikog značaja za autore. Prilog je bio fokusiran na 25% elektronskih medija koji još nemaju ugovore sa AMUS-om.

Pomoćnik direktora za emitovanje u Regulatornoj agenciji za komunikacije BiH (RAK), Helena Mandić je izjavila :“ UKOLIKO AGENCIJA RAK DOBIJE PRIGOVOR I UTVRDI DA JE STANICA EMITIRALA ZAŠTIĆENI SADRŽAJ A DA ZA TO NEMA POTPISAN ODGOVARAJUĆI UGOVOR, RAK ĆE IZREĆI ODGOVARAJUĆE SANKCIJE“. Time je poslana poruka od strane nadležnog organa u BiH da obzirom da 75 % elektronskih medija ima potpisan ugovor o korištenju zaštićenog materijala da će početi aktivnosti koje će i ostalih 25% medija koji sada emituju muziku nelegalno snositi zakonom predviđene posljedice.

Tako je AMUS od prošle sedmice uputio RAK-u Prigovore za desetak elektronskih medija za koje smo dokumentovali nedozvoljeno korištenje korištenju zaštićenog materijala. Sa vama ćemo podijeliti informacije o daljem slijedu događaja.

### **PARLAMENTARNA SKUPŠTINA BIH USVOJILA IZVJEŠTAJ O STANJU AUTORSKOG I SRODNIH PRAVA ZA 2011. : SINE QUA NON NIJE ZADOVOLJILA TRAŽENE STANDARDE**

**NAPOMENA : SINE QUA NON DOO MORA AUTORIMA ISPLATITI SVE TANTIJE ME ZA PRVU POLOVINU 2012.GODINE JER JE DO 21.JUNA IMAO LICENCU. DO DANAS SQN TO NIJE UČINIO, IAKO JE RJEŠENJEM INSTITUTA ZA INTELEKTUALNO VLASNIŠTVO BIH BIO OBAVEZAN TO UČINITI U NAJKRAĆEM MOGUĆEM ROKU.**

Parlamentarna skupština je usvojila Izvještaj o funkcioniranju sistema kolektivnog ostvarivanja autorskih prava u BiH za 2011.godinu. U Izvještaju je, između ostalog, konstatirano da „Sine Qua Non“ doo iz Sarajeva nije zadovoljila tražene standarde za obavljanje djelatnosti kolektivnog ostvarivanja prava autora te im je zbog toga i oduzeta Licenca za obavljanje pomenute djelatnosti. Neki od navedenih razloga su:

- Pravni oblik organizacije,
- Obavljanje i drugih djelatnosti pored kolektivnog ostvarivanja autorskih prava što je uzrokovalo da se prikazani troškovi nisu mogli provjeriti putem glavne knjige, i
- Dostavljeni revizorski izvještaj ne odražava stalno stanje stvari o poslovanju agencije.

Dalje, važno za autore koji s pravom očekuju isplate tantijema od strane SQN, prikazani su i iznosi prikupljenih sredstava za 2011. godinu :

**UKUPNO UBRANI PRIHOD : 1.621.499,39 KM**

**TROŠKOVI POSLOVANJA : 325.785,67 KM**

**ODBICI ZA KULTURNU I SOCIJALNU NAMJENU ZA POTREBE AUTORA 105.993,21KM (KOJI NIKAD NISU UPOTREBLJENI**

(ne postoji evidencija da li je ovaj novac utrošen a planiran je za rješavanje problema autora, liječenje, uvezivanje staža, druge osnovne potrebe, studentske i druge stipendije za talentovane autore, projekte razvoja muzičke kulture i narodne baštine....)

ZA RASPODJELU AUTORIMA UKUPNO : 1.189.720,51 KM

**NAPOMENA : PRIHOD SQN JE U 2011 BIO OKO 24% MANJI NEGO U 2010.GODINI. ZA KOJU SU AUTORIMA ISPLAĆENI REKORDNI IZNOSI TANTIJEVA. PO SVOJ LOGICI, ZA 2011. STE TREBALI PRIMITI U NAJMANJU RUKU 75% OD TIH IZNOSA. NE POSTOJI OBJAŠNJENJE BAZIRANO NA ČINJENICAMA ZAŠTO SU ISPLATE ZA 2011. BILE MNOGOSTRUKO MANJE.**

U Izvještaju se dalje navodi da su sredstva naplaćena putem sudskog izvršenja i sudskim izvršenjima (121.970,63 KM i 87,620,09 KM) ušla u raspodjelu za što, međutim, nema obrazloženja da li su, kako i kome raspoređena.

#### ODLUKE O USVAJANJU PLANA POSLOVANJA DONOSI NEPOSTOJEĆI ORGAN

Još jedna od zanimljivosti koju pominje usvojeni Izvještaj je da je, prema dostavljenoj dokumentaciji o poslovanju Sine Qua Non doo, odluke o usvajanju plana poslovanja preduzeća u periodu 2005 – 2010 donosila skupština preduzeća, iako prema Statutu preduzeća takav organ ne postoji! Dalje, slijedom dokumentacije Sine Qua Non doo, razlika između prikupljenih i raspodijeljenih sredstava tokom poslovanja iznosi svega 3%, pa je očito da se tu neko preračunao, odnosno potpuno je nejasno na koji način je Sine Qua Non doo uspjela poslovati i preživljavati svih tih godina.

Parlamentarna skupština BiH je usvajanjem Izvještaja podržala stav da se Sine Qua Non doo oduzme Licenca za obavljanje djelatnosti kolektivnog ostvarivanja prava autora, te da su ostala značajna sredstva koja Sine Qua Non doo mora isplatiti autorima za 2011.godinu.

Izvještaj se u cjelosti može naći na linku:

[https://www.parlament.ba/sadrzaj/komisije/predstavnicki\\_dom/ustavnopravna/arhiva\\_sjednica/default.aspx?wsrid=19&wsid=705&langTag=bs-BA&pril=b](https://www.parlament.ba/sadrzaj/komisije/predstavnicki_dom/ustavnopravna/arhiva_sjednica/default.aspx?wsrid=19&wsid=705&langTag=bs-BA&pril=b)

#### NABAVKA „COSIS“ PROGRAMA ZA AUTOMATSKO PREPOZNAVANJE AUTORSTAVA U DJELIMA DOSTAVLJENIM OD STRANE ELEKTRONSKIH MEDIJA

Upravni Odbor AMUS-a je uvidom u cjelokupne informacije o prednostima u kvalitetu i cijeni koštanja donio odluku o nabavci software-a za automatsku obradu podataka od švicarske kolektivne organizacije (SUISA) i njenih partnera (COSIS). Taj je software zakonski neophodan da se ispune uslovi zadati prilikom dobijanja licence od Instituta za intelektualno vlasništvo BiH.

Taj kompjuterski program koji se koristi u više od 50 zemalja svijeta za automatskorepoznavanje autorstava u djelima dostavljenim od strane elektronskih medija, kablovskih operatera, ugostitelja itd. Program je dizajniran tako da se uz postavljanje „filtera“ koji će sve dostavljene podatke u bilo kojem obliku prilagoditi COSIS-ovom prepoznatljivom obliku automatski prepoznaju i raspodjeljuju tantijeme u skladu sa dostavljenim podacima i uplaćenim sredstvima od strane gorepomenutih korisnika.

Cijena COSIS(uprkos ublehama zlonamjernih da će se za ovo utrošiti EUR 400.000) programa je 2,500 EUR + održavanje 1,500 EUR za četvorogodišni period bez kamata(UKUPNO 16.000 EUR). U sklopu je obavezno održavanje od strane prestavnika SUISA-e i COSIS-a koje podrazumijeva otklanjanja svakog kvara u roku od 48 sati.

Također, nakon zaključenog dogovora oko kupnje pomenutog softwarea posjetit će nas predstavnici SUISA-e i COSIS-a kako bi našim uposlenicima predstavili način djelovanja i objasnili postupke rada ovo programa, te uključili AMUS u proces obuke za korištenje ovog sistema.

Ovim je riješeno pitanje software-a kao predulosva za prvu isplatu autorima. U skladu sa potpisanim ugovorima sa korisnicima bilježimo uplate na račun AMUS-a koje će akumulacijom dovesti do isplate. Očekujemo da ćemo biti u prilici na Skupštini AMUS-a dati projekciju kada će biti moguća prva isplata.

### NOVI ČLANOVI AMUS-a

Od posljednjeg izdanja Autorskih novina članovi AMUS-a su postali Željko Joksimović, hafiz Aziz Alili, Sanel Marić, Amir Mešić, Faris Karčić, Nenad Arnautović i Anur Bećirović.